



Tir Yimyim

www.tiryimyim.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimyim@gmail.com

TAPAK 8

Yangia anidakangma :



Tir Yimyim



tiryimyim@aolima



tir yimyim

TAPAK 8

**Southgate-i England coach
mapa toktsüogo**

**BJP-i Haryana nung Muslim nunger nem "menden
mekazüka meyutsütsü: Amit Shah**



VOL. XXI ISSUE NO. 274 (ADOK 274)

DIMAPUR RASEMNÜ (WEDNESDAY)

CHITENI (JULY) 17, 2024

₹ 5.00

Education Department tenung tajung tanaben angutsü merangang: Advisor Yhome

Kohima, July 16, 2024 (TYO): Nagaland School Education Department-i Nagaland nung quality education system amenoka tesüiba tenung tajung tanaben bener arutsü ayongzüker ta School Education & SCERT Advisor Dr Kekhrielhoulie Yhome-i ashi.

"Sorkar school tem nung tesayur tajungtem liaka tsürabur aikati pei chirnurtem nija school nung ang zündaktsür kechiyong parnoki sorkar school dak temulung malemer. Anungji department aser department nung mapa inyaktertem den sendaktepa alir ajaki tesüiba mapang department tenung tajung lepa bener arutsü merangtsüla" ta pai ashi.

Kohima nung district master trainer atema anogo ananü state level training lapoktsüdang Advisor Yhome-i iba onük jemi.

"Nagaland nung sorkar school tem anepalutsü atema Directorate of School Education aser state sorkari mapa inyaker. Naga loktiliba indang tamendakdak ya sorkar school nung amenoka lir" ta pai ashi.

"Nija school temi state nung education system lenisüba atema

pelar saka nija school temi matongba tesemtem nung sorkar school tem tonga aoba atema tenüngsang agütsütsüla. Iba ajanga tanur shia nem maongka kasa agütsür" ta Yhome-isa ashi.

"Asenok alizüngji public nem temulung lemdaktsütsüba asütsüla kechiyong parnoki sorkar school dak tamang makar. Asenoki tesayur shitak melemsatepba aser inyakyim tiptema meinyakba ajanga temulung malemer" ta paisa ashi.

"State sorkari tanur ajak nem shisaliok angazükdaktsütsü atema school aika lapokogo saka school ketdangtsüba nung sen endoker ta angatetogo aser school karbo shibang tajungba ta ngutetogo" ta Advisor Yhome-isa ashi.

"Directorate aser sorkar jenjang nung educational administrative areas lemsashitsü mapa inyaker aser telok ka school ajak dangi yoktsü" ta paisa ashi.

"Home department sülen Education department nung mapa inyaker teimtiba lir aser Police Department dang nungi sen teimba endoker. Küm shia Education department nem Rs

830 crore shi lemzüksür aser iba ya teimba ka itasen nung endoker. Külen Centre sorkaria Samagra Shiksha ajanga Rs 500 crore agütsür aser iba ya itasen nung aoer" ta Advisor Yhome-i metetdaksü.

Sorkar school tem nung infrastructure nungdakba asadangdar aser iba nung approach road, footpath, leakages amala dena lir ta pai shisem.

Nagaland Education Administrative Service (NEAS) aser Nagaland Education Service (NES) ajanga Nagaland education system ketdangtsütsü atema Department-i mapa inyakter, ta Advisor-i ashi.

"December 2023 tashi nung Directorate of School Education (DoSE) nung mapa inyaker 22,300 tema liasü saka iba nung lanurtem kanga ajema lir. Mapa inyaktertem rongnung lanur 3.33% dang lir anungji lanur talila shimoktsü nungdaker" ta Yhome-i ashi.

Meta talang pilar alidak tanurtem achiajem shitak mangur aser iba atema kaketshir shia nem health cards agütsür, ta pai ashi.

"Sorkar school tesayur

98.3% tashi Block Level Officers (BLOs) ama election maparen nung shilem agir anungji department-i iba khuret ya ajema akümtsü atema lenmangtem bushiteper" ta Advisor Yhome-isa ashi.

"Department-i directorate dena district pezü nung digital attendance system tasen ka tenzükogo. Onoki mapa inyaktertem aser tesayurtem nem angatetdaksütsü aser absent asürtem itasen katizüktsü" ta paisa ashi.

"Kaketshir zülüoka aliba nung ajemdaker nungdakba tesayurtem mapa lemzüksütsü aser enrollment maliba school tem shibangtsü aser aika public den asüngdangtepa lokteptsü" ta Yhome-isa shisem.

"State ECCE & FLN teloki Foundational Stage Education atema Exemplar schools bendentsü sentong tajung ka atongogo. Iba dang BEACON (Budding ECCE Academy for Children of Nagaland) ta ajatsü aser best performing schools ajungkettsü" ta State Mission Director, Samagra Shiksha Nagaland, Tamsunaro Aier-ia ashi.

State team-i Class 1-3 atema Assessment Report Card aser Class A & B atema Holistic Report Card (HPC) ka adokogo aser iba ajanga tanur ka angazükba metettsü, ta lai ashi.

"Iba training nung tesayurtemi Vidya Samiksha Kendra (VSK) nung Foundational Stage asadanga Digitization indang angazüktsü. Iba mapa ajanga Nagaland nung District, District, Block aser School level nung tanur shia indang Learning progress reprangtsü aser iba ajanga tanurtemi tajungba angazüktsü" ta Tamsunaro-isa ashi.

Taküm Nagaland Literacy & Numeracy Fest 2.0 ayonga amongtsü. Iba ya 2022 nung Nagaland Reading Festival aser 2023 nung Nagaland Literacy & Numeracy Fest amongba ama amongtsü, ta laisa shisem.

"July 25 aser 26 anogotem DIETs, District and EBRCs nungi District Master Trainers-i block level training nung School Heads aser tesayurtem nem training agütsütsü aser iba sentong nung sorkar tesayur 5292 shi adentsü" ta Tamsunaro-isa metetdaksü.

NBSE-i tanü results sangdongtsü

Dimapur, July 16, 2024 (TYO): NBSE-i ketdangtsü agiba HSLC aser HSSLC Compartmental & Improvement Examinations 2024 indang results July 17, 2024 nü adoktsü.

Bodbar anüngdang results adoktsü aser NBSE portal www.nbsenl.edu.in nung soft copy angutsü.

July 18, 2024 nungi dang

NBSE-i Centre Superintendents nem kulikakettem agütsütsü aser Centre Superintendent-i pa/la centre kübok alioba school nem lema agütsütsü, ta NBSE-i metetdaksü.

Centre Superintendent ka koda mesüi marutettsüsa kümra pa/lai tanga Centre Superintendent ka nem tashi agütsütsü akok ta NBSE-isa ashi.

Dr. J Alam-i NCS ketdangtsürtem ayongzüker

Dimapur, July 16, 2024 (TYO): Nagaland Chief Secretary Dr. J Alam, IAS-i Nagaland Civil Service Officers atema Mid-Career Training tenzüktsüogo.

Iba sentong ya July 16, 2024 nü Training Block ATI, Kohima nung tenzük.

"Sempet teimtiba alirtem ya tetoktepba ajanga dang civil service-i arur. Civil service ya sen aazüktsü atema masü saka nübortem tenzüktsü atema lir" ta Dr. Alam-i NCS Officers dang ashi.

"Nenok lemzüksüba tesem nung ketdangtsür tongtiba asünung nübortemi nenok lenisüba dak rangloker, akhümtsübur aser nenoki ashiba angar. Anungji nenoki inyakba mapa atema nüma tangang. Nenoki akokba tashi nübor lenjii aotsü aser asalentong tasen bener arua inyaksü merangang" ta paisa ayongzüker.

Paisa ketdangtsürtem dang Nagaland nung sustainable development (SDG) nung temulung agütsütsü ayongzüker.

"Nenok ya sorkar ketdangtsübaren nung tongtirt lir anungji sorkari nenok dak teimla tulu lir. Nenok tajungtiba agüja inyakang aser state sorkari metettsü atema nenoki mapa tajung inyaktetba mesüra takok anguba otsütem zülüoka yuang" ta J. Alam-isa ayongzüker.

Deputy Secretary & Course Co-ordinator, Asalie Lese, NCS-i ashiba agi iba training nung NCS Officers 28 adener.

Parnok ya ADCs, Deputy Secretaries, ADCs, SDO (C) aser EACs inyaktertem lir aser anogo 7 nü training nung adentsü. NCS ketdangtsürtem dang shisalen sayur 16-i tesayuba balala agütsütsü ta Asalie Lese-isa ashi.

SDG index nung Nagaland 'performer' kübok adener: State sorkar

Dimapur, July 16, 2024 (TYO): SDG India Index 2023-24 nung Nagaland jenjang 25 buba nung Meghalaya den külemi lir aser 'performer' status kübok adener ta Nagaland sorkari metetdaksüogo.

2020-21 nung Nagaland indang overall composite score 61 liasü saka 2023-24 nung 63 kümogo ta sorkarisa ashi.

Niti Aayog-i July 9, 2024 nü SDG India Index 2023-24 sayaba nung worst-performing states kübok Nagaland, Bihar aser Jharkhand dena lir.

India nung states aser UTs 36 nung SDGs renlokba asadangtsü atema SDG index ajanga indicators 113 amshir aser itemji SDG goals 16 asoshi lir ta Nagaland sorkari ashi.

SDG 5 (Gender Equality) nungbo Nagaland mezüngbuba jenjang nung lir, SDG goals 6 nung tajungtem rongnung dena lir, goals 7 nung performer aser goals 2 nung aspirant lir ta sorkarisa ashi.

Nagaland-i akokba tashi monitoring process, SDG indicators tracking, data

systems nung capacity building aser state sasep nung review mechanisms tajungba kümdukja arur. Ajisüka Niti Aayog-i state sorkar den masüngdangtepi secondary data nung ajemdaker report agütsüba ajanga tayongzüka tulu ajurur" ta Nagaland sorkarisa ashi.

State sorkari sample surveys aser reports amala secondary data sources atema Niti Aayog den lemsatepogo kechiyong iba ya SDG monitoring nung kanga tongtipang lir ta DIPR sangdong ka nung metetdaksü.

Oting lendong: SC-i Centre dang nungi telangzüba meshir

New Delhi, July 16, 2024 (Agencies): Nagaland state-i writ petition ka zülüba atema Supreme Court-i Centre dang nungi telangzüba meshiogo.

December 2021 nung Mon district kübok sepaitemi civilian 13 tepsetba atema iba petition benoka lir. Iba tatalokba nung shilem agir Indian Army sepa 30 anema ken o benoka angadangtsü Centre-i memulunger aser iba anema Nagaland sorkari SC tsüngda writ petition ka benoka lir.

Chief Justice of India DY Chandrachud-i anir Justice JB Pardiwala aser Justice Manoj Misra nunger adenba bench kati Ministry of Defence dang hopta

trok tsüngda telangzüba ka agütsütsü mapang züngzüksütsüogo.

"Nagaland state police-i tai tonglokja alirtem anema kuli tejangja nguteta liaka Centre-i February 28 nü Armed Forces Special Powers Act (AFSPA) 1958 kübok ken o benoka angadangtsü memulunger" ta Advocate General KN Balagopal-i ashi.

December 4, 2021 nü Mon district kübok Oting yimtsüng nung Indian army-i nakmati aturtem mener aruba pickup truck gari nung injang khaloktsü. Iba tatalokba atema Indian Penal Code kübok FIR tem benoka liasü.

Nagaland sorkari 'mandatory sanction' magizüki parnok kinungbotem anema ken o benok ta Indian Army kinungtsütemi ashiba nung ajemdaker July 2022 nung Supreme Court-i tai tonglokja aliba ketdangtsürtem anema ken o angadanga sota ata.

Iba ken o ajanga Northeast nung AFSPA atema o atsüteptsü tenzükshia liasü. Iba lendong sülen Nagaland Assembly-i North East nungi aser talisa Nagaland nungi AFSPA agientsü atema tayongzüka agütsü.

Nagaland sorkari ozüngren tsütsü tetsükdaktsü ajuruba ajanga linük nung ashishitep aketba AFSPA atema o atsüteptsü tenzüka liasü.

PM Modi-i northeast dak tamang akar: Sonowal



Mongulbarnü IMC Hall, Dimapur nung BJP State Executive meeting alidang tangokba noksa angur. (Dimapur, July 16, 2024)

Dimapur, Chiteni/July 16

(TYO): Ato Kilonser Narendra Modi-i northeast ya linük nung tashi taittiba zone ka ama züingshir aser northeast terenlok makai India tejakleni maotsü, ta Union Minister of Ports, Shipping and Waterways, Sarbananda Sonowal-i ashi.

Mongulbarnü IMC Hall, Dimapur nung BJP State Executive meeting ka nung jembidang, PM Modi lenisüba kübok northeast region nung terenlok jenti angur aser tanübo iba region ya linüki dang masü saka alimai metetogo, ta Sonowal-i ashi.

BJP indang party principle ya linük mezüing, iba sülen party arur aser linük tenzüksü ya asenok teinyaktsü mezüingbuba,

ta pai ashi. Nagaland ya teimla aliba state tem rongnung ka lir, aser linük terenlok nung Nagaland-i tongti shilem agitsü tamang akar, ta Union Minister Sonowal-i ashi.

Kasa senden nung BJP Legislature Party leader aser Deputy Chief Minister Y Patton-i asenoki state terenlok aser tejakleni aotsü atema rangloksüla aser senso ajak nem maongka aser resources agüja state ya pei sasa pei peria kumdaktsüba kisüing masü saka dangaria asen sülen anidaktsüsa yangertsüla, ta ashi.

Nagaland nung aliba nüburtem tenzüksüba wadang nung asenok lungjema liti aser BJP mangdang aser nükjidong

asenoki wazüka yuti. Asenok külemi takok tulu angutsü aser state aser linük asoshi tarutsü jenjang tajung yangluti, ta pai ashi.

BJP National secretary & in-charge of Nagaland and Meghalaya, Anil K Anthony, shibai iba mapa agizüker tang mezüingbuba state semdanga liasü, paia state nung party aintsü asoshi ajak den teka amteper inyaktsü aser Ato Kilonser Modi-i 2047 tashinung India ya 'developed country' ka kumdaktsür alitsü mangdang yua aliba ama inyaktsü, ta iba senden nung ashi.

Iba senden nung BJP nungi tawa shimba ULB councillors nem Union Minister Sonowal-i tenüingsang agüja liasü.

Kohima nung migrant worker atema registration camp ka ayongzük

Dimapur, Chiteni/July 16

(TYO): Tenüing mezülüoki aliba migrant worker (tesem balala sema aayang jartem) nem osangtsüsang metetdaksütsü aser tongtipang services tem agütsütsü mechi Nagaland Building and Other Construction Workers' Welfare Board (NBOCW) ajanga Smart City Hotel construction site nung special registration camp ka July 16 nü tenzükgogo aser July 17, 2024 tashi agitsü.

Kasa mapang Department of Labour aser Medical Department ajanga inter-state migrant workers yaritsü atema health screening camp ka ayongzükka lir.

Iba sentong ya Assistant Labour Commissioner of Kohima District, Neimenuo lenisüba kübok agia liasü, kong migrant worker aika dena liasü.

Neimenuo-i iba sentong nung shilem agir nem tenüingsang agütsü aser migrant workers tem timtem balala ajuruba aser healthcare services peria manguba indang lemsatapa liasü.

Labour aser Medical Departments ajanga angati medical services agütsütsü atema health screening camp ayongzükba indang lai rateta ashi.

Deputy CEO NBOCW, Vikehieto Naki-i Ministry of Labour & Employment ajanga eShram portal yangluba indang lemsatapa liasü.

Iba portal yagi National Database of Unorganized Workers (NDUW) agütsür, koba Aadhaar den sendaktepa lir aser yangji migrant workers tem scheme balala agiteter, ta ashi.

Welfare Board ajanga registered workers nem social security schemes agütsür aser yangji tools grants, AamAdmiBimaYojana (AABY) kübok insurance, medical teyari, tanur kaket shisatsü angazükba allowances aser maternity benefits tem dena lir. Tanü tanung Welfare Board-i state nung migrant worker 6,661 tenüing zülüoka lir, ta pai ashi.

Medical Department nungi Dr. Kevi-i malaria, dengue aser chikungunya amala tashidak

balala indang orientation ka agüja liasü.

Pai item tashidak nungi jenbua alitsü atema pei aliba temeket müreka ayutsü tongtipang ta ashi aser migrant workers tem dang temang meshidaker ama akumdang anasatiba government health centres semdanga azü tendangtsü ajungshia liasü.

Deputy Commissioner, Kumar, Ramnikant, IAS ajanga iba camp tenzüksüba mapang migrant workers tem dang osangtsüsang meteta aser tenüing zülüoker scheme balala nungi teyari agitsü ayongzükka liasü.

Pai pei sasa temang anepalutsü tongtipang ta ashi aser camp nung agütsüba facility amshitsü ajungshi.

Iba camp nungya labour card registration, eShram registration, account opening services aser health screenings densema angati service tem agüja liasü.

Kasa mapang Medical Department ajanga migrant workers ajak nem merila sü aser mozü lema agüja liasü.

NLA Library Committee senden ayonger

Dimapur, Chiteni/July 16

(TYO): Nagaland Legislative Assembly indang Deputy Speaker Toiho Yeptho, shiba Nagaland Legislative Assembly Library Committee indang mendenpuba lir, pai 2024-2025 atema iba committee senden

mezüingbuba July 19, 2024 nü amentsü metetdaksüogo.

Senden ya anüingdang 12:00 ako nungi Assembly Committee Hall nung amentsü, anungji züingsem ajak medema arua adentsü ayongzük, ta sangdong ka ajanga ashi.

Dimapur nung July 20 nü Job Fair alitsü

Dimapur, Chiteni/July 16

(TYO): District Employment Exchange (Model Career Centre) Dimapur, Government of Nagaland aser National Career Service Centre for Differently Abled-Dimapur, Ministry of Labour & Employment (DGE), Government of India lungjemer July 20, 2024 anepdang 10:00 ako nungi nikongdang 3:00 ako tashi

District Employment Exchange Dimapur, near Zion Hospital Junction Purana Bazar, Dimapur nung 'Job Fair' ka ayongzüktsü lir, ta sangdong ka ajanga ashi.

State nung zünger mapa mangur tali akumba tebilemstü angateta region nung lanurtem takum nung temelenshi bener arutsütsü nükjidong nung iba Job Fair ya ayongzüktsü, ta sangdong ajanga ashi.

NBSE-i Teachers' Award 2024 atema metetdaksür

Dimapur, Chiteni/July 16

(TYO): Ministry of Education, Department of School Education and Literacy ajanga National Teachers' Award 2024 atema Self-nomination ya July 18, 2024 tashi agizüktsü anogo atsülangogo, ta NBSE ajanga sangdong ka nung metetdaksü.

parnoki self-nomination ya July 21, 2024 tashinung final submission asütsüla. National Teachers' Award portal ya July 21, 2024 nü shibangtsü, ta ashi.

Iba dak sendakba nung DEOs/Sr.SDEOs/SDEOs ajungai pei jurisdiction nung aliba tesayurtem nem iba osang sangoktsütsü ayongzük, ta NBSE sangdong ajangasa ashi.

Class X Science indang ebook renemogo: NBSE

Dimapur, Chiteni/July 16

(TYO): Class X Science atema ebook ya digital content dener kaketshirtem asoshi angati renema lir, ta Nagaland Board of School Education (NBSE) ajanga NBSE indang Heads of Registered Institutions ajunga nem metetdaksüogo.

agüja aliba nung nemer repringtetsü.

Iba ebook indang link ya <https://study.goyalsonline.com/NCERT-Science-Class-10-English-Medium/index.html> alitsü.

Class IX Science atema ebook indang osang ya taoba mapang sangdonga lir.

Ebooks amshitsü atema kaketshir aser subject teachers nem online orientation sentong ka 2024 küm August ita alitsü aser iba sentong agitsü anogo aser sentong indang links ya tarutsü nung metetdaksütsü, ta NBSE ajanga ashi.

Digital content aliba ajanga kaketshir ajungai mashi mapang, tesem mashi nungi kwiben südir süaka kasa amshia angazükter. Iba yagi digital content tajung agütsür aser tutions tali agiba nung rongsen indokba nungi kumzüktsü nükjidong lir, ta ashi.

Anungji Heads of Registered Institutions ajungai subject teachers aser Classes IX & X nung azünger ajak dang iba osang sangdonga orientation sentong nung adentsü ajungshitsü ayongzük, ta sangdong ajangasa ashi.

Digital content ya topic/subtopic/experiment/examples aser exercises shia 'play button'

NAGALAND POLLUTION CONTROL BOARD

Signal Point, Dimapur - 787112, Nagaland
Tel.: 03862-245727, TeleFax: 03862-245728
Website: www.npcb.nagaland.gov.in e-mail: npcb2@vsnl.com

AMBIENT AIR QUALITY FOR KOHIMA AND DIMAPUR CITY
KOHIMA ASER DIMAPUR NUNG MOPUNG MERÜK-MEMERÜKBA JENJANG

Sl. no	City	Location of air station	Type of area	Monitoring dates		Permissible limit As per the National Ambient Air Quality Standards "Iba tasazük alemabo metudaktsütsüla"
				09.07.2024	11.07.2024	
1	Dimapur	Bank Colony	Residential	58	44	100 µg/m ³
2		Dhobinala	Commercial	110	50	
3		NPCB Office, Signal Colony	Residential	41	27	
4		Tenyphe, Chumoukedima	Commercial	33	28	
5		Nagarjan	Residential	41	25	
6		Viola colony	Residential	28	18	
7		Burma camp	Commercial	82	94	
8	Kohima	Opposite NST Office	Residential	21	19	
9		PWD Junction	Commercial	43	54	
10		High School Junction	Commercial	55	88	
11		Midland (Upper)	Residential	25	24	
12		Forest Colony	Residential	21	22	

Iba osang ya nübertem ajangzüktsü atema Nagaland Pollution Control Board-i agütsür.



Mokokchung nung CMO indang Conference Hall nung July 16, 2024 nü Urban ASHAs nem training ka agütsüdang tangokba noksa nung CMO Mokokchung Dr. Kibangkumba, Dy. CMO Mokokchung Dr. Aonungdok den training agütsür aser Urban ASHAs tem angur. Iba training ya July 16 nungi tenzüka anogo asem asoshi lir, kong ASHAs nem Emergency Care, Oral Care, ENT Care, Eye Care, Mental, Neurological and substance use disorders, Elderly Care aser Palliative Care amala training agütsütsü. Training agütsür ya Sentirenla Longchar Consultant (NUHM) aser Chubakatila GNM UPHC Yimyu alitsü. Training ya Changtongya, Tuli, Mangkolemba, Alongkima, Tsurangkong aser Ongpangkong Block nunga July 31 tashi agütsütsü.

MENUNGRA BILEMTETER

3rd Death Anniversary

Lt. Mrs. Maongsangla

17th July, 2024

"Kechiaser ni asoshi takum alibaji Khrista, aser tasütsüji tajangzük lir"-Filipi 1:21



Onok asoshi iba anogo süia or küm asem ajungdang ne temeim mapa tajungtem, temeim shisatsü aser sayubentsü O onok molung nung teti rizunga ayur. Tanü onoki na kanga menungrasetta, sarasadema amonger. Anogoshia aser mapang ajak nung na onok molungjang nung teti alir.

Temeim Kinungbo, Chirnurtem, Semchirtem, Kinunger aser Anükapang

BJP-i Haryana nung Muslim nunger nem menden mekazüka meyutsütsü: Amit Shah



New Delhi, Chiteni/July 16 (Agencies): Union home minister Amit Shah-i Mongolbarnü ashiba agi, Haryana nung Congress-i sorkar küm tetra parnoki backward class tem atema menden mekazüka tokja aliba ya rakzüka Muslim nungertem nem agütsütsü. State nung 'Backward Classes Samman Sammelan' sentong nung o jembiba mapang BJP lenir yagi, OBC reservation dak sendakba nung Kaka Kalekar Commission-i benokba Congress-i küm aika mebenok, ta ashi. "1980 küm Indira Gandhi-i Mandal Commission cold storage nung toktsü. 1990 küm iba ya agizükba mapang Rajiv Gandhi-i ghonda anaser

tesadang o jembiba aser OBC atema menden mekazüka toktsüba anema liasü," ta minister-i ashi. Amit Shah-i ashiba agi, Karnataka nung Congress-i aniba sorkari OBC tem nungi rakzüker Muslim nungertem nem menden mekazütsü. Pai, Haryana nung BJP-i Muslim nungertem atema menden mekazüka toktsütsü memelatsü, ta ashi. "Haryana nung Muslim nungertem atema menden mekazüka toktsütsü atema onoki memelatsü," ta pai ashi. Amit Shah-i ashiba agi, Haryana nung BJP-i majority nguua sorkar küm tettsü. Haryana nung assembly election taküm küm tatemlen agitsü lir. BJP puri Muslim nungertem menden mekazüka toktsüba indang ita aika ashishia arudar. Iba ken o ya tawa tembangba election mapang BJP pur asoshi tongtibang onük ka liasü. BJP-i tawa agiba Lok Sabha election nung menden 240 koka Centre nung teloktep sorkar ka tentetogo.

Haryana nung Lok Sabha election magi tsungda Manoharlal Khattar-i chief minister mapa toktsü aser Nayab Singh Saini shiba OBC nungi lir pa CM aküm.

Doda nung kiralongrar den khatepha sülen security personnel 4 asü

New Delhi, Chiteni/July 16 (Agencies): Jammu and Kashmir kübok Doda district nung kiralongrartem den khatepha sülen yirur aliba security personnel pezü Mongolbarnü süogo. Hombarnü Dessa tesem nung kiralongrartem den khatepha sülen Army jawan ka densema security ketdangsür pongu yirua liasü. Desa nung arem ka nung Dhari Gote Urarbagi tesem meketbanga yur meita aoba sentong ka Rashtriya Rifles sepaitem aser J-K Police indang Special Operations Group longjemer ayongzüka agia liasü. "Itangiter osang tejangja ka angazükba sülen Indian Army aser JKP na longjemer Doda anütoktiplen tesem ka meita oa liasü," ta White Knight Corps-i

CBI-i NTA trunk nungi NEET-UG paper auyasang puogo

New Delhi, Chiteni/July 16 (Agencies): Central Bureau of Investigation (CBI)-i Mongolbarnü NEET-UG question papers auyaba atema nisung ana puogo. Nisung anarongnung kati National Testing Agency indang trunk nungi NEET-UG paper auya liasü, ta PTI sangdong ka ajanga metetdaksü. CBI-i pua aliba nisung ana ya Patna nungi Pankaj Kumar aser Hazaribagh nungi Raju Singh ta jangjaogo, ta India Today-i metetdaksü. Tenaprongla ya question paper auyaba aser lemshiba nung sendaka liasü. Iba ita tetenzüklen CBI-i ken o nung aija alirtem rongnung tongtiba Rakesh Ranjan, shiba dang Rockey ta ajar pa Bihar kübok Nalanda nungi pua liasü. NEET paper leak asüba nung Rakesh Ranjan ya tongtibang shilem agirtem rongnung ka ta bilemer. CBI-i sang sua yur Ranjan aputsü atema Patna aser Kolkata nung tesem pezü meita oa liasü. Agency-i tang tashi nung nisung 12 dak tema puogo. Iba ken o ajanga linük nung yimden

yimsüsüba tsütsü mepetmesü tulu adokogo. CBI-i ken o nung sendaka alirtem bushitetsü atema bushisüngdangba tasa tasen amshia arudar. "Rajan ya IP addresses aser email communications densema digital footprints kanga junga asadanga ajanga jangja liasü aser iba ajanga ochi mashi inyakyim aser tashiotsüba anema raratsü asoshi cutting-edge technology tem amshitsü agency bendanga agütsür aliba sayur," ta ketdangsür kati ANI dang ashi. NEET-UG tatidang koba 2024 küm May 5 nü agia liasü, iba tatidang paper leak asüba ajanga mepetmesü tulu adok. Maneni paper asadanga nunga aibelen liasü, kechiyong tatidang agütsür parnok 67-i full 720 marks nguua liasü. Iba sülen iba tatidang achaayanga agiba National Testing Agency (NTA) kanga mejungi aitsüogo. Sorkari NTA tekolakba mapa nungi agin aser NTA inyakyim lepa reprangshitsü aser ajungketshitsü atema panel ka tentetja liasü.

AAP office ken o nung Delhi HC-i Centre nem anogo züngzüktsü

New Delhi, Chiteni/July 16 (Agencies): Delhi High Court-i Mogolbarnü Centre dang July 25 nü tashi nung Delhi nung AAP nem office atema tesem ka agütsütsü asoshi telemtetba agitsü tetuyuba agütsüogo, kechiyong AAP ya national party ka lir. Iba ken o dak sendakba nung Aam Aadmi Party (AAP)-i temepeshiba ka agütsüba sülen June 5 nü high court-i telemtetba ka agitsü atema Centre nem hopta trok latettsü. Directorate of Estates, Ministry of Housing and Urban Affairs-i Mongolbarnü ano hopta pezü meshiogo, kechiyong parnok dang parliamentarian tem nem talidak ki agütsütsü atema inyaktepba

teyalong lir, ta ashi. AAP atema okatsüri, Centre-i mepeshiba anema nokdak aser ashiba agi, Rouse Avenue nung party office azüngtettsütsü atema Supreme Court-i party nem August 10 tashi mapang agüja lir anungji party atema tetsükdaksü adoktsü. March ita Suprem Court-i mezüng AAP nem Rouse Avenue office azüngtettsütsü atema June 15 nü tashi mapang agüja liasü. Iba ali ya judicial infrastructure atsülangshitsü atema Delhi High Court nem agüja lir ta ashi. AAP okatsüri ashiba agi, mapa atsülangtsüba ajanga party tetsükdaksü adoktsü, kechiyong Centre-i SC dang Delhi High Court-i tetuyuba agütsüba minyaktetba

indang kecha lemsatempa mali. Kasa mapang nung Justice Sanjeev Narula-i ashiba agi, office atema tesem ka agütsütsü asoshi telemtetba agitsü atema ketdangsürtem nem mapang peria agütsüogo aser ano hopta pezü talila magütsütettsü. "Ajisüaka tensa asadanger July 25 nü tashi mapang atsülangtsüogo. Iba court yagi mapang atsülangtsütsü asoshi temepeshiba joko ojang dang agizüktsü imlar," ta court-i ashi. June 5 nü high court-i, tanga national political party tem ama AAP nem Delhi nung party office ka agütsütsü temsüa lir ta ashi aser centre dak hopta trok tsungda telemtetba ka agitsü tetuyuba agütsü.

OSBI State Bank of India STRESSED ASSETS RECOVERY BRANCH, JORHAT Na-Ali, M G Road, Jorhat, Opp. ASEB Building, PIN-785001 (Assam) Tel No : 0376-2300193 / 2300204

Sl. No.	Name of Borrower	Details of Properties/ Address of secured Assets to be enforced	Date of Notice	Date of NPA	Amount Outstanding
1	M/s Nagaland Riders (Proprietor Smt Hukali Awomi, D/o Khenito Awomi)	A plot of Land measuring an area of 00B-01K-00LS=2880 Sq.ft under Patta No. 605, Dag No. 833/916, Mouza No. 3, Block Naharbari (AK) along with RCC building (Ground floor) 149.25 Sq. meter, Boundary wall 169 R.ft, Borewell (Construction-2007). Boundary of property: North: Pond (Pukhuri), East: Plot of Mr. Viniho, South: Plot of Mr. Mughavi, West: Nallah.	10.05.2024	28.05.2016	Rs. 75,20,114.40 as on 10.05.2024

Osang substituted service ka atema iba jenjang agir. Temalen shisema aliba sen apur aser parnok Guarantor tem dang iba osang agütsüba sülen anogo 60 tsungda parnok apua aliba sen aotsü metetdaksü. Sentsüh maotetra anogo 60 sülen Securitization and Reconstruction of Financial Assets and Enforcement of Security Interest Act, 2002 kübok Section 13 nung sub-section (4) dak ajemdaker jenjang tapet agitsü. Iba Act kübok Section 13 nung Sub-section(8) dak ajemdaker sen apurtem dang mapang atakükja aliba mapang tsungda parnok ni sen melen tokja aliba kioje aser ali agitsü metetdaksür. Date: 15.07.2024 Place: Jorhat Authorised Officer



TIR YIMYIM YIMOBILEM (EDITORIAL)

DIMAPUR RASEMNÜ, JULY (CHITENI) 17, 2024

Asayaba ya mapa

Asenok asoshibo ball asayabatem ya pelatepa mapang endoka asayaba ka dang asütsüa akok saka tangar asoshibo ibai sen aaba mapa ka kuma inyaker. Ibayongji, ball asayaba dang masü saka alima aika nung cricket, badminton, table tennis ama asaya aser tsüngtepba aser melangtepba ajak ya mapang endoka asayaba asayatem dang masü saka tangar nungdakba purtem dena yaritetsüsa asayaba nungi aaba sen agi aika takarjang akümer. Aji oda, tanga asayatemji khen yutsür tang Euro 2024 football asayamong nung shilem agia asayatem aser takok angur telok nung asayatem anguba sen senpet jenjangji reprangdangra, asen lima nungbo IAS officer kati mapa nung ali tepiyong nunga mangutsüba mesüra contractor tulua taküm piyong nung maatetsüba sen asayar ka nem lezmüksüba angur. Euro football asayamong nung ya takok angur asayar telok dang masü saka shilem agir telok shia nem India sen Crore 83 dak tali agütsür aser tematiba takok angur telok nembo senpet sen crore 256.84 agütsür aser tanabuba takok jenjang angur telok nem senpet India sen crore 220.48 agütsür. Item sen nung jagi tematiba takok angur telok nung asayar shia nem India sen crore 3.17 dak tali agütsür. Iba senji atamata masü aser iba senji angutsüsa asayatsübaji tenüng agi mapang endoka asayaba agibo makoktsü. Atangji, asayar nisung ajak asaya nung tajungbo mekümtetsü, kechiyong peii jangraba dang masü saka pei nem Tsüngremi lezmüksüba sempet daka tuluka keta lir. Ano, asayabaji alima nung nungtugu kuma asayatsü nükjidong nung masü saka asayar aikati pei temang nung asentzü sendoka anema alitsü asoshi asayar. Item ajakji tajangzük aketba asayatem asütsü. Ajisüaka, asenok Naga nungertem rongnunga, talisa Aortem rongnungia alimai metetsüsa India tenüng nung asayatsüsa football nung süli, Cricket nung süli mesüra tanga asaya tapu balala nung süli adok meshiogo. Alemli küm 75 jakdang asen kin nungi T.Aoi alimai metetsüsa 1948 London Olympic nung pa captain ser India team anir oa asayaba sülenbo kecha asaya nunga Naga nung alimai metetsüsa nungtugusa asayaba mangashir. Jungjunga bilemdangdi süra, T.Ao London Olympic nung asayaba otsüjia asaya nungbo tamakok anguba otsü lir, kechiyong parnoki tangar kin koka masayatet, ajisüaka Naga nung kati India nung anir Olympic nung asayabaji Naga kin asoshibo asaya nung akokba dang nungi takok tuluba amai bilemer. Aji oda, T.Ao sülen küm 75 nungbo Naga nung mesüra Aor chanu ka mesüra anatibo asaya kar nungbo India nung rongnung tajungtiba aser tanishir ser takok ngua asayar adoker alitsüba ser nung ta sasasetta bilemer. Atangji, asenokibo tang tashi asayaba kisüngibo tebok masüngtsü aser kibong memesütetsü amato bilemer, iba jagi asaya ya taküm nung mapa (career) akümtsü atema masü saka jangraba agi mapang endoka asayar dang akümer. Ajisüaka, tangarbo tanur tila asüdangyongi asayaji pei taküm nung mapa kuma asayatsü mulungteter tenzüker. Tang Euro 2024 nung asayatem rongnung tanubusang Spain nung Lamine Yamal yabo küm tenet asüdangyongi football club nung dena asaya tenzük aser tanur asüyonga pa küm den mesütep junga asayaba agi FC Barcelona nung tendaktsü aser tangbo International asayamong nung paiang goal agütsütsüsa aser tangar nema ball paiang tajungba agütsütetsüsa asayaba agi pabo arishi küm 17 jung mejungka Pele aser Messi nung amai nungtugu kümogo. Joko, parnok FC Barcelona asayatem rongnung Messi melentsübabo Yamal-ang kümogo aser telok kari danga pa nübo aginüra pa jenjangji India senbo crore 100 dak tali asütsü. Aji koda ? iba jenjangji moko sali chia, yi jema, mapang endoka asayaba agibo anasaia moutetsü !

OLEMSABANG

ELECTION SHIA AO LIMA NUNG KECHI ATALOKER ASER AOR-i KODA SHILEM AGIR...???

~ L. Kika Pongener.

(Yashi adok nungi...)


Anganu-aka manganu-aka mapa tajung aser tamajung ajak, khristan yimsu mezüng agizüka amangba Ao lima nung tamasa tenzüka inyaker. Election nung sen alemba, sen yong vote ayokba, Proxy vote agütsüba, Polling Station Coup asüba etc. item ajak ya Ao lima nung tamasa tenzüka inyaker. Ano prangpong-injang agi nisung tepsetba, nisung pua bener orr züka merenshiba, long agi ontepba, raratepba, züktepba, item mapa tamajung ajak ya Ao lima nung tamasa tenzüker. Tawa agiba ULB Election nung, Dimapur lima tesem kar nung tera asatepa raratepba dak alaka tanga nungbo kangara tatalokba tamajung kecha mali sunep-sunepa agiogo. Ajisuaka, tangar kintem dang kangasa taaktsüka...ULB Election nunga Mokochung Town nungbo injang dena katoka, long agi ontepa, raratepba, züktepba 'Social media' nung alima ajaki reprangogo...!!! Election ta sura Aotsür Aor-bo shi-azü aser teret-tenungla ajak agi jangrar amai balakasa alakteta inyakteper...!!! Election sen-a Aotsür Aor-isa tenukshiba aser Aotsür Aor dangsa tanangba sudi ta bilemer...!!! Election ya tangar kintem-ibo kangarabo arok-aroka magir, saka asen Aor-ibo kangasa suoki yia arok-aroka agir. Election arura Aor-bo yimer o yimer na tsükchiteptsü, yimer o yimer na arishiteptsüba sentong tapu-tapu atonga, ken o tapu-tapu purapojia jembiteper aser yimden, arogo, loktiliba ajak nung telongjem raksatsüsa mepetmesu adoker.

Aotsür Aor senso tajungtem aser tamanger tajungtem...Joko tangar kintemi asen Aotsür Aor agi wawa menu (Damasha) ayir, asenok tangar menudong kin ka kuma odagi...!!! Joko asen Aotsür Aor dak tangar kintemi tamang mekateter, tanang mechiteter aser asenok dak nungi tangar kintemi tajung meimlar. Jokorla, Aotsür Aor lenla ajak nung tangar tesuleni sepzüka lua-dokogo. Tanübo 'Samanir' kin-to lenla ajak nung 'Samesa' kin ka aser tangari tetla-tetshiba kin ka kuma odagi...!!! Tanü loktiliba ajak nung reprangdanga ora, Aotsür Aor adendak kecha nunga ochi mali aser tanishir (Leadership) meden raktepba agi sunga lir. Aor yimden aser loktiliba teimba ka nung ochi obendang agütsüba mali, sen/supokrem agi tebang nembanger/tenuk poka-doker, metetsümonga ochi paitoker ken o alangdangba angudang kanga sasa-a repranger...!!! Tashitemeter kin-to tanübo tangar menudong kin ka kuma odagi. Aotsür Aor dak aketba jakla tamajungtiba kaji...Temba-tinur, adianu-aianu, kiyong-kidanger, yimsür-yimer kar, maparen kar nung jenjang tera junga ngura aji attsüzüka yutsütsü/jungnatsütsü meranger. Aor yimden/loktiliba ajunga nung telongjem mali, tarishitep, tsükchitep, tulu shisangtepba, taka-tait shisangtepba, tenukmerem, mokokachi, mepetmesu aser telemsa agi sunga lir.

Temeim Aotsür Aor watsü-wabong tajungtem, tashi-tawartem, tamanger tajungtem...Jokorla, Aotsür Aor-a tangar kin dang aaksetta bilema terabosa melenshitsü mapang kati menepogo ta bilemer. Election agiba shia Aor Candidate-tem Ao lima nung, aser Aotsür Aor dak sen teimtiba endokdaksüba ya melenshidi. Vote-jang ka-ka shia sen jenjang ataker yoktepba ya melenshidi. Yimsüsür tazüng nungi talak tashi sen jenjang ataker meshiba ya melenshidi. Kijung lanur aser aiur-asangur telok-telok tenung jateter sen lakh tashi jenjang ataker meshiba ya melenshidi. Teka anaprongla laadaker Party ajunga dang sen meshia achiba ya melenshidi. Ano Election-i ayir Candidate-tema nuburtemi memeshi sernung, na adoknudang, nai ne sasa ne ket nung sen lir ta ser...Kilen/kibong shia sen alemba, shijep alemba, aser supokrem amshiba, iba ama tentet tamajung ya anentsüla. Tashiyim amshinudang, aiur-asangur aser kijung-lanur nem Drugs, Rum, Whisky, Beer Case-Case lema agütsüba ya anentsüla. Ano raratepa, züktepba, long agi ontepba aser prangpong-injang amshia nisung tepsetba...item ajak ya anentsüla. Ajak dak alaka, yimer ajunga vote nisung teshimtet kari dang ajenba ya anentsüla, aser Election-i teyinurbo ajak yitetsüsa lenmang sadem-sadema lapoka yutsütsüla.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Pastor Hibbs-i Trump dang Yisu Khrista bushitsü ashi



Chiteni/July 16, 2024

(Agencies): Taoba US tir Donald Trump tepsettsü meranga Deobarnü injang khaloktsüba ya Tsüngrem nungi tekumdangtsü khaloktsüba lir ta Megachurch Pastor Jack Hibbs-i ashi aser pa dang temokok agi ali nung tsükiter Tsüngrem jungjunga metettsü ajungshia liasü.

Southern California nung Calvary Chapel Chino Hill indang senior aser founding pastor Hibbs ya taoba US tir indang Evangelical Advisory Board nung züngsem ka liasü.

Deobarnü Pennsylvania rally ka nung tepsettsü merangba nungi Trump takum jenbuba sülen "Mr. President, nai tang ya repranga lira, nü tenarong achichilen azü agi asüng. Nü tenük nung akhaba masü. Nü teni nung akhaba masü. Nü tenaba nung akhaba masü. Nü tenarong nung akha, saka onoki

nüandang ya ajungshiner, Tsüngrem Tulusang matsüngdang na temokok agi ali nung tsükita apudakang aser Pa nem tali bendanga agüjang, kechiaser Tsüngremi na kumzük ta nai tanü ashiba onoki meteta lir," ta Hibbs-i Deobarnü Tsüngrem o jembidang ashi.

"Saka Mr. President, Tsüngremji shiba? Paji shiba? Pa tenüng kechi? Nai ibaji aiben angashir alitsü. Temokok agi ali nung tsükittsü mapang lir. Yisu Khrista ji Kibur, Pai meimchir madak yimsü asür ta ashitsü mapang tongogo. Pai meimer aser kangki nung asü aser leper nungi shia aruogo. Ibai Yisu Khrista lir. Chuba tem madak Chuba, Kibur tem madak Kibur aser Pai nisung ajak pa tani tanüla nung aser ochiba nung arua külemdaktsüner," ta Hibbs-i ashi.

"Nü tenarong nung akhaba ya Tulusang Tsüngremi

tekumdangtsü agütsüba lir. Nai iba ya angatsü na? Nai angatsü na? Tsüngrem o angang. Tsüngrem indang jembiba anenang aser Tsüngrem metetang. Alima nung aji dang nungdaker."

Pa tepsettsü meranger ghonda ishika lir Trump-i pa indang Truth Social nung sangdong ka agütsüba nung Tsüngremi pa takum yutsür ta shia liasü.

"Yashi atema nenoki sarasademtsüba asoshi ajak dang kanga pelar, ibai Tsüngrem kisüngi bilemdangtsü makokba nungi kumzük," ta pai ashi.

Riverside, California nung amenoka Harvest Christian Fellowship nung senior pastor aser Trump indang Evangelical Advisory Board nung taoba mapang tenzüksang Greg Laurie-ia taoba tir Ronald Regan tepsettsü merangba ajanga pa tamang tasen kumshiba ama Trump-i Khrista dak amangba asentenshitsu imlar, ta ashi.

"Asenoki aiben dangar injang nungi jenboba indang jembir, saka Tir Trump atema ibai asangsang lir. Pa kumzükba atema Tsüngrem dang pelar aser pa taneptsü jungjunga angutsü atema sarasademtsür," ta Laurie-i ashi.

ANOGO ABEN TSÜNGREM DEN

Temulung ana sentong

"Temulung ana adenba pur Kibuba nungi langka angutsü ta tebilem, pa pei yimya ajak nung mesüngjem" (Yakob 1:7,8).

Kodang Tsüngremi bilemba aser nai bilemba maneni tsüktepdar na tanela nung maintsü, aser Khristan ka ama nai anogo shia ajangshiba jagi na majungmesotsü kechiaser ne tebilemba jagi Tsüngrem tebilemba tsükdanger. Lenmang ana ajanga Tsüngrem tebilemba tsükdanger.

Mezüngbuba, ne shi jagi meimchir taginüba aser tebilemba bener arur. Na Khristan mekümi aliba mapang ne shi-i kechi mulung iba nung lia aru. Iba mapang na Tsüngrem nungi pilar liasü. Pa den sendaktepa alitsü kecha sentong mali asü. Ne tashi agi takok angutsü bilema merang.

Kodang na tanaben aso, Tsüngremi ne nem yimya tasen ka agütsü, saka yimya tasen denji tejen yimya dena bener aru nung tejenba jagi shi-i bilemba inyaktsü ajungshir.

Tanabuba, tetenzük nungi Tsüngremi mulungba anema inyaker nübu ka lir. Pai Eden tsüki nungi tenzüka Tsüngremi yangluba anema inyaker. Satani aser pa teloki teti tamajung inyaktsü bilemer, alima shisatsü, tebilemba ne nem teti agütsür.

Ne mulung nung teti iba rara ana lir. Tsüngremi mulungba nokdangtsü merangba tashiji koktettsüsa nü dak tanela temeshi alitsüla.

Ni alima madak takok ngua alitsü tashi agütsüba asoshi Ne tenüng asanger. Shi sentong masü, Ne sentong shimtsü ni yariang.

USCIRF-i Pakistan linük CPC nung maneni inoker

Washington, Chiteni/July 16

(Agencies): U.S. Commission on International Religious Freedom (USCIRF) ajanga maneni State Department dang Pakistan linük nem "Country of Particular Concern" nungja agütsütsü ashi aser iba linük indang blasphemy laws ajanga tamangba yimsü temeden nung aibelener ta ashir.

Tamangba yimsü anemba mesüra tamangba yimsü temeden anema mapa tamajung inyakba mechi küm shia linük balala iba list nung inoktsü USCIRF-i agütsüba ajakbo US State Department yagi magizüker, saka parnoki 2018 küm nungi Pakistan ya küm shia CPC ama züngshia arur.

Pakistan nung blasphemy laws, kin tila tetsürtem tashiyim amshia tamangba yimsü melendaktsüba aser tamangba yimsü tsütsü kin tilatem dak tenük yoker mapa tamajung inyakba densema tamangba yimsü temeden anema mapa tamajung inyakba tesem balala nung maneni ajangshia arur, ta 2024 USCIRF report ajanga ashir.

Blasphemy laws, talisa Pakistan Penal Code indang Section 295-A, B aser C ya aitsü, koba Muslim nunger nütüng yongsük shilem 96 aliba linük nungya pei jurila nükjidong ataloktsü mesüra tamangba yimsü tsütsü kin tilatem dak tenük yoktsü asoshi pei

amshinütsü amshir.

Pakistan nung Khristanpur, Hindu nunger aser Ahmadis nungertem tiazü nung tai tonglokja item ozüng kübok tepuokdak ayuba ken o aika UNCIRF ajanga osang bendena lir.

Tamangba yimsü mezüngmeshi ta tera dang tai tongloktsüba nunga lokti adenshia azüdokshir, ozüng alema oa nisung tepseter, longkak aiter aser nüburtam amokmerener, ta USCIRF ajanga ashi.

Tawa tamangba yimsü mezüngmeshi ta tiazü nung tai tonglokja Khristan lanur Zohaib Masih pua reshikangshiba ya item ozüng tim masüba nung amshiba tatishitsü ka lir, ta ashi.

Iba report nung tashiyim amshia tamangba yimsü melendaktsüba, talisa Khristan aser Hindu tsür tanurtem pua bener oa tashiyim agi Islam dang meyipdaktsüba, parnok pua bener aortem den kibong kumdaktsüba indang shia lir. Item tatalokba ya aiben memerenshi yutsür.

Iba den tamangba yimsü tsütsü kin tilatem dak tenük yoker lendong timtem agütsüba balala indanga USCIRF report nung ashi. Tekülem ki nung timtem agütsüba aser amakba ya tang tashi tebilemstü tulu. Sorkari tapet telangzüba magütsüba aser item kin mekumzükteba ajanga tensa

tamajungba kumdaktsür ta ashi.

USCIRF ajanga State Department dang Pakistan nem Country of Particular Concern nungja agütsütsü ajungshi, aser iba nungja agütsüra iba linük nem temerenshi/tenokdangba agütsütsü aser tamangba yimsü temeden indang jenjang tajungba kumdaktsütsü nükjidong nung sorkari mera balala agütsü. Pakistan nung 'religious tolerance' aser meimchir temeden temaba jenjangi ajungkettsü asoshi inyakba civil society organisations tem US-i tali yaritsü asoshi commission ajanga ayongzük.

Tamangba yimsü temeden nung aibelenba mechi CPC nungja agütsüba linüktem nungya People's Republic of China, Cuba, Eritrea, Iran, the Democratic People's Republic of Korea, Nicaragua, Russia, Saudi Arabia, Tajikistan aser Turkmenistan dena lir aser yangji Pakistan densemogo.

Pakistan sorkari item report ya shidak masü aser yimtenren tsütsü amendaker inyaker ta teti ashir. Ajisüaka USCIRF-i kanga junga bushisüngdangba aser osang tejangja nung ajemdaker item ya bushitet ta ashir aser Pakistan dang item timtem azüoktsü atema policy aser ozüng tajungba yanglutsü ajungshir.

YSCIRF ajanga US State Department dang CPC nung

Pakistan indoktsü ajungshiba atema linük balala aser Pakistan nung arogo lenirtem aser rights organisation ajanga pela agizüka liasü.

Church of Pakistan tir Azad Marshall-i iba report yagi Pakistan nung tamangba yimsü tsütsü kin tilatem tensa tia tammang shidak sayur, ta ashi.

"Linük balalai Pakistan dang item tebilemstü bentettsü asoshi ajungshiba dang masü saka akokba lenmang nung yaritsüla. Asenoki Pakistan nung tamangba yimsü tsütsü kin tilatem asoshi environment tajung aginer aser iba constitutional duty inyaktsü sorkar mapa," ta Marshall-i Christian Daily International-Morning Star News dang ashi.

Ajisüaka Pakistan ketdangtsüri USCIRF aitsü aser sorkari tamangba yimsü balala tsüngta yimjung nung alitsü aser minority rights wazüka ayutsü atema sorkari inyakba mezüngshir, ta ashi.

"Ozü senso ajunga kumzüka ayutsü aser temeden asoshi onoki bendanga agütsür inyaker. Onoki inyakba senzüka yutsür asadangbatem onoki magizüker," ta Pakistan indang Ministry of Religious Affairs atema odongtar kati ashi.

Advocacy group Rawadari Tehreek (Movement for Equality) mendenpuba Samson Salamat-i sorkar tangatetba aitsü aser tanen makai Islam

tenüng nung nisung telok adenshia azüdokshiba aser kin tilatem maneni reshikangshia amshiba ajanga sorkari ashiba den mapeter, ta ashi.

"USCIRF-i Pakistan nem 'Country of Particular Concern' nungja agütsütsü ashiba ajanga linük nung tamangba yimsü temeden nung aibelena inyaksangshiba tekeraba nung bentettsü nungdakba sayur," ta Salamat-i ashi.

2023 küm Pakistan nung nisung noklang aika blasphemy ken o nung tepuokdak yua lir aser aika kuli makai tai tongloktsüba nung ajemdaker lir aser Punjab Province kisüng nunga tepuokdak nisung 552 lir ta Lahore nung amenoka aliba Center for Social Justice ajanga tawa ashi.

Taküm January aser June ita tsüngta nisung 103-i tamangba yimsü mezüngmeshi ta aija lir, ta ashi. U.N. Human Rights Committee nem sorkari küm pezü indang data agütsüba nunga 2019 dang nungi 2020 küm blasphemy ken o shilem 30 tali akumba, 2021 nungi 2023 tsüngta shilem 62 tali akumba sayur. Ken o shilem 53 shi tiazü nung tai tongloktsüba ta sorkari ashir.

Open Doors ajanga asadanga alima nung Khristanpur alitsü asoshi linük tamajungtiba 50 indang 2024 World Watch List nung Pakistan ya jenjang 7 buba nung lir.

AO OSHI ANGAZÜKDAK:

TANÜ ANGAZÜKTSÜBA OJANG



Tajitetsü

(adv) majung reprangtetba (ill looks, imperfect)

* Kiyimsang aser kiyimla na tajitetsü maket süpor aru.

Tajizüksü

(adj) repranzüksü, kasa benshitsü (copying, imitate)

* Asenok Mizo nungertem dak nungi tajizüksü aika lir.

OLONG PAITEP # 6847

1		2				3		4		5
				6						
	7		8							
9					10			11	12	
			13		14	15				
16					17			18		
				19		20				
21		22								23
24										

TIPLIN

- 1. Saku - (4)
- 6. Songjen - (7)
- 7. Mali/Tazüing - (4)
- 9. Tasen apok - (6)
- 11. Songtem - (3)
- 13. Ata liasü - (5)
- 16. Tzünglu den külemi tsüker - (3)
- 17. Aso tila - (6)
- 20. Tashi maküm - (4)
- 24. Tenüing kasa jatepba - (7)
- 25. Ki yangluba oset - (4)

LANGTSÜNGLEN

- 1. Taksep - (3)
- 2. Langtem - (5)
- 3. O tamendaktak - (4)
- 4. Nütsü tebuba - (3)
- 5. Anüingdang tesangwa - (3)
- 6. Apitet - (5)
- 7. Yagi jungdaksür - (4)
- 8. Anogo semer ka - (3)
- 10. ___ tatsü - (3)
- 12. Tebur kidong aser züing kasatsüingdajatepba - (4)
- 14. Pela agizükba tapu ka - (5)
- 15. Tenüing atet - (3)
- 18. Mejanga onü - (5)
- 19. Talak techira - (4)
- 21. Maneni - (3)
- 22. Nübo teyi - (3)
- 23. Meshi - (3)

OLONG PAITEP # 6846 TELANGZÜBA

TIPLIN :

- 2. Pongsen, 5. Lepko, 7. Omen,
- 8. Maangka, 10. Yangkhu, 12, Senpong, 14. Angu, 15. Raksa,
- 16. Arameso,

LANGTSÜNGLEN :

- 1. Alimang, 2. Pongen, 3. Samaru, 4. Nün, 6. Pio, 9. Nüingdak, 10. Yongya, 11. Kongro, 13. Ora, 14. Ata.

NAI-A YA METETTER MA



May 9, 2024 nü Jaipur nung aliba Shalby Multispecialty Hospital nung senior surgeon Dr. Dheeraj Dubay-i 'joint replacement surgery' nung alizüing tulu ka tongteta liasü.

Iba anogo Dr. Dubay-i joint replacement surgeries 33 tashi agi aser iba ya Golden Book of World Records, International Book of Records aser Forbes World Records nung züluokogo.

Dr. Dubay aser par teloki nisung 18 dak surgery agi aser kar joint ka aser kar anaprong melena liasü.

Congress-i Assam bye-election menden punguprong nung tokteptsü

Guwahati, July 16, 2024

(Agencies): Assam Assembly menden punguprong by-election nung Congress-i tokteptsü ta Assam Congress president Bhupen Kumar Borah-i ashi.

Assam state sorkari border police wing dang 2015 matongdang aruba non-Muslim nung dang ozüing tasen kübok senso meshitsü metetdajaka Congress-i Citizenship (Amendment) Act magizüker ta Borah-i ashi.

AICC general secretary Jitendra Singh-i district-level party lennirtem den senden ka

amendang item lemtet agi.

Jitendra Singh-isa MP, MLA aser tanga lennirtem den senden amentsü aser party inyaksangshi akangshitsü ta Borah-isa ashi.

"Assam Congress-i by-elections agitsü aliba menden punguprong nung tokteptsü. Onoki lennir tejentem adenba telok pungu tentettsü. Election Commission-i by-elections agitsü anogo ano mesangdong lir" ta paisa shisem.

Samaguri, Behali, Dholai, Sidli aser Bongaigaon nungi MLA tem Lok Sabha election nung toktepa takok anguba ajanga item

menden tazüing akümtsü. Samaguri nungi dang Congress MLA liasü aser tanüingba constituency nung BJP aser parnok den yaritep AGP o BPF MLA tem liasü.

Congress-i Lok Sabha aser 2021 Assembly elections nung opposition alliance nung shilem ka ama toktepa liasü saka Lok Sabha election nung parnok sasep nungi candidate tem toktepa liasü.

Congress-i Disciplinary Action Committee (DAC) tenzükshitsü lemtetogo aser tekaratiba nung disciplinary ken o tem angatsü ta Borah-isa ashi.

N Kotiswar Singh: Manipur nung mezüingbuba Supreme Court judge

Imphal, July 16, 2024

(Agencies): Justice N Kotiswar Singh aser Justice R Mahadevan na Mongulbarnü Supreme Court nung Judge inyaksü menden ajungketogo.

Iba osang ya Law Minister Arjun Ram Meghwal-i

metetdaksü aser tena züingsemba ajanga Supreme Court nung lemezüka aliba ama Chief Justice dena judge 34 kümogo.

Jammu and Kashmir nung chief justice Justice N Kotiswar Singh ya Manipur nungi

mezüingbuba Supreme Court judge lir.

Justice Mahadevan ya tang Madras High Court nung acting chief justice inyaker.

Supreme Court Collegium-i tena tenüing ya July 11, 2024 nü shidanga liasü.



CALL FOR ENTRIES

PHOTO COMPETITION for DIPR Publications

Theme: "Myths and Legends of Nagaland"

The Department of Information and Public Relations, Government of Nagaland invites photographers to participate in a photo competition celebrating the rich heritage of Nagaland.

Prizes and Recognition:

- 1. Will be featured in the State Government Calendar 2025.
- 2. Selected entries will be used in various government publications.
- 3. Full credit, cash award, and certificate will be given to photographers.
- 4. Brief description of the subject (max 50 words).

Terms and Conditions:

- 1. Photos must be taken within the past year and unpublished.
- 2. Up to 3 (three) entries per participant.

Specifications:

- Format: JPEG, min 5 MB.
- Color Mode: RGB.
- No Watermarks or Signatures.

Basic Adjustments Allowed:

- Color Correction (brightness, contrast, saturation, and white balance).
- Exposure adjustments.
- Sharpness enhancements.
- Cropping for composition

Prohibited Adjustments:

- Adding/removing elements.
- Extensive manipulation.
- Drastic filters/effects.

Copyright and Usage Rights:

The Department will have full Rights to publish/use the photographs in its various other publications.

Results will be announced within a week after the competition ends.

Last date of Submission: 31st August 2024

Entries to be mailed to:

diprcohima@gmail.com

70051 93713

Tell the stories of Nagaland through your lens

GOVERNMENT OF NAGALAND
DIRECTORATE OF A.H & VETERINARY SERVICES
NAGALAND:: KOHIMA

NO.VET/EST-3/KMA/1/Pt-1/2023-24/

Kohima Dt. the July 2024

ADVERTISEMENT

In compliance to the Hon'ble Gauhati High Court Kohima Bench judgement order Dated 27-03-2024 W.A.No 11 of 2023,Shri.Sweyievikul Tase-Vrs-State of Nagaland &Ors)applications are hereby invited as per the directive of Hon'ble Gauhati High Court Kohima Bench, dated 08-12-1975,for filling up 1(one) post of Animal Attendant, at VD,Jakhama,Kohima,under the Department of A.H. & Veterinary Services.

Terms & conditions

1. Educational Qualification Certificate.
2. Age limit 18 years & Maximum 35 years.
3. Candidate wanting to apply can submit self typed application along with supporting documents of land ownership Certificate, BirthCertificate,Aadhar, 2 Nos of recent passport photos and submit it to the Directorate of A.H & Veterinary Services, Kohima on or before 22nd July 2024.No application shall be entertained beyond the last date of submission.
4. Schedule Tribe and Indigenous inhabitant certificate are mandatory.
5. Incomplete documents shall be summarily rejected.
6. Admit card shall be issued on 25-07-2024
7. Interview shall be conducted on26-07-2024

Sd/-(Dr.ACHILAAO)
Director of A.H & Veterinary Services
Nagaland: Kohima.

MENUNGRA BILEMTETER

Asür Latonglemla
Changtongya Town
(Tasüba anogo – 17.07.2018)

Onoki kodanga amatsü makokba asür Wt. Latonglemla, akümüli wadang tembanger küm trok tashi renteta aruraka onok mulungjang nung na teti lir aser na mali rongjenseter. Tanü iba alijak nung na meliaka, ne senti sayubentsü o aser temeim onok mulung nung rizünga lir aser ne mapang tajung onoki teti bilemteter.

~ Temeim Kinungbo, Chirnurtem aser Semchirtem

Kenya nung police-i sorkar anema longkak aiterem aziök

Nairobi, Chiteni/July 16 (Agencies): Kenya nung police-i sorkar anema longkak aiterem noklang aika adenshia aliba senshidaktsütsü atema tear gas amshia liasü. Tir William Ruto-i longkak aiterem nem tenangzükba ishika agütsür aliba tali nongshitsü nükjidong nung nüburtemi longkak aita liasü.

Longkak aitba sentong koba saru tali ajungketba nungi tenzüka liasü, iba longkak aitba sentong lenirtemi Mongolbarnü linük ajunga shibangtsü ayongzüka liasü.

Ruto tir kümer küm ana aruba mapang tang item longkak aiterem yagi mepetmesü tuluba adokdaktsüogo. Tir-i saru USD billion 2.7 ajungketba agintsüba aser pa indang cabinet nung züngsem timbaka mapa nungi anentsüba sülena pa maneni nongshidar.

Longkak aiterem aikati Ruto mapa nungi anendaktsüner aser pa yimsüsüba meshidakba aser ochi mashi inyakyim nung

densema aliba aser sorkar anema longkak aitba mapang nüburtem taküm samaba ya pa dak tai tonglokja arudar.

Mongolbarnü police temi linük yimtiba Nairobi tezülen Kitengela jila nung tear gas khaloktsü, kong longkak aiter 200 shi adenshia tyre rongga yur yimyim ayima longkak aita liasü. Parnoki "Ruto aotsüla," aser "Onok ojang dang tepsetang," ta yimyim ayima liasü.

Nairobi yimti nunga Riot police-i Ruto mapa nungi anentsü khanga longkak aita aliba longkak aiterem dak tear gas khalokja liasü.

Longkak aiteremi parnok timtem tem benoka iba hopta sensaksemtsü atema telemtetba agiba Ruto indang office-i sangdongogo, ajisüaka sensaksem tenzüka kecha temaitsü mali. Longkak aitba nung shilem agia aliba activist temi parnok jaokba magizük aser iba melena ochimashi inyakyim anema tangsa tang jenjang agitsü khanga arudar.

Kenya sorkari sentsüh tetemlok revenue shilem 30 dak tema agüja arudar, iba amala tensa ka nung sen aputsür nem sentsüh agütsütsü aser nüburtem takhangba na tsüngda Ruto kanga mejepdar.

Longkak aitba sentong ya taoba ita yimjung nung tenzüka, saka mapang tatsüka lir kanga mejungi aküm. Longkak aiterem kari June 25 nü parliament amak aser police temi parnok dak injang khaloktsü. Longkak aitba mapang nisung 40 dak tema tepsetogo, ta rights group temi ashi.

Kenya nung azütokshi lendong bener arutsürtem nem senotsü teyari agütsüba atema Ruto-i Hombarnü American philanthropic organization; Ford Foundation agitsüogo. Ajisüaka pai kuli kecha magütsü.

Ford Foundation-i iba taitsüba ya magizük aser ashiba agi, parnoki longkak aiterem nem senotsü kecha magütsü aser senotsü agütsütsü atema parnoki nonpartisan policy ka benoka lir ta ashi.

Bangladesh nung mapa mekazüka toktsüba anema kaketshirtemi nokdak

Dhaka, Chiteni/July 16 (Agencies): Bangladesh nung sorkar mapa mekazüka toktsüba anema longkak aiterem aser sorkar pusemba kaketshir lokti ka tsüngda mangatetep adokba sülen police-i tear gas khaloktsü aser sung agi züka meinshia liasü aser iba ajanga nisung 100 shi yiruogo, ta police aser kaketshirtemi ashi.

Bangladesh nung, 1971 küm Pakistan nungi nüjiso atema raraba mapang linük tenüng nungi rara chirnurtem densema telok kar atema itasen tajung agütsüba civil service mapa tesadang dak tema mekazüka tokja lir, koba sorkar mapa meyirejang aika lir.

Hombarnü mepetmesü ya Savar nung Jahangirnagar University densema campus balala nung adoka liasü, kong longkak aiteremi rara nung shilem agiba chirnurtem atema menden mekazüka toktsüba agintsü khanga liasü.

Police aser tenük kuli agütsürtemi ashiba agi, menden mekazüka toktsüba anemertem aser ruling Awami League party nem teyari agütsüba kaketshirtem Hombarnü Dhaka University campus nunga ghond aika raratepogo. Parnok long agi ontepba den sung aser yintong amer züktepa liasü.

Quota system ajanga tetsür, mata mabensartem aser ethnic minority teloktem nem sorkar mapa mekazüka toktsür. Iba inyakyim ya 2018 küm agin, saka taoba ita High Court-i, rara nung shilem agiba chirnurtem nem menden shilem 30 mekazüka toktsütsü atema benoka agizüka liasü.

Iba ajanga nüburtemi longkak ait tenzüka aser parnoki mata mabensartem aser ethnic teloktem nem shilem 6 mekazükatoktsübabo pusema saka nüjiso atema rarar chirnurtem nem menden mekazükatoktsüba magizüki

Supreme Court-i taoba hopta High Court-i tetuyuba agütsüba ya hopta pezü sota atatsü tetuyuba agütsüogo aser chief justice-i kaketshirtem dang class tem nung maneni shilem agitsü ashi. SC-i ashiba agi, parnoki hopta pezü tsüngda telemtetba ka agitsü aser kasa mapang nung Ato Kilonser Sheikh Hasina-ia iba ken o ya SC ket nung lir ta ashi.

Nisung 50 dak tema Jahangirnagar University anasa Enam Medical College Hospital nung temang anepaluogo, ta mozüki nung medical officer Ali Bin Solaiman-i ashi. Pai ashiba agi, parnok 30bo pellet agi yiruja liasü.

Longkak aiteremi Hasina-i aniba Awami League kaketshir kongsang Bangladesh Chhatra League dak mepetmesü adokba ya tai tongloktsüogo, shirnoki yimjung nung longkak aita aliba kaketshirtem maka liasü.

NAGALAND BIBLE COLLEGE

Mokokchung, Nagaland
(Accredited under ATA)

SANGDONGER

Theological education nung terenlok angutsü asoshi Nagaland Bible College-i Master of Divinity (M.Div) degree nung Distance Learning program agütsür, anungji iba course agitsü kar tanga (Arogo tenzüker/Secular azüngertem) tejangrar lira iba course atema apply asütsü akok.

Qualification **Duration of Studies**

Bachelor of Theology (passed) 3 Years

Degree from any other studies 3 – 4 years

For Contact and information: 8974690101

GOVERNMENT OF NAGALAND
OFFICE OF THE LABOUR COMMISSIONER

NAGALAND: KOHIMA
New Capital Complex
BOILER ATTENDANT EXAMINATION
NOTIFICATION

Dated Kohima the July, 2024.

No.LBR/F&B-10001/1/1987::In continuation to Advertisement No.LBR/F&B-3/3/2022 dated 8thJan, 2024 the Boiler Attendant Examination of class II will be held on 5thAugust, 2024 as per The Nagaland Boilers Rules, 1966.The examination will be held at 11:00 AM in the Office of the Labour Commissioner, Nagaland, Kohima.All other requirements will stand as per the notification issued previously.

(Er.S.L.WATIAIER)
Chairman,
Nagaland Boilers Board cum
Labour Commissioner and CIF&B
Nagaland, Kohima

Trump-i US VP asoshi tokteptsü JD Vance shimogo

Milwaukee, Chiteni/July 16 (Agencies): Mapang ka Donald Trump dang 'America's Hitler' ta ajasang JD Vance ya US vice-presidential elections 2024 nung külemi tokteptsü shimogo.

JD Vance ya Ohio nungi tang mezüngbuba senator inyaker aser pa ya Donald Trump indang running mate aser Republican telok nungi US election 2024 nung vice-presidential candidate asütsü shim. 'Hillbilly Elegy' kakat zülusag JD Vance ya US tatong tir asoshi tokteptsü atema taoba US tir Trump-i mulungsoa shima liasü.

Vance ya lanuwa mapang makamait aser timtema inet aser pa tetsü ya temesepba mozü achir ka liasü. Pa ya US Marine Corps nung arishi küm 19 lia shimok aser Iraq nunga

oa tenzüka liasü. Pa küm pezü service inyakba sülen Vance ya law school nung tenüng zülüok aser mapang tatsüka lir inyaka liasü.

2016 US election nübuyim mapang JD Vance yagi Trump anema social media nung post asüba 'like' süa liasü aser Hillary Clinton-i takok ngura pa nem mapa ka agütsütsü südi ta nisung aikati bilema liasü.

Arishi küm 39 tain JD Vance kinungtsü ya India nungi jakzükba Usha Chilukuri Vance lir. Usha ya US sento aser tsürabor ya Indian immigrants aser San Diego, California nung aso.

Tena ya Yale Law School nung ajurutep aser 2014 küm Kentucky nung kibong akum. Tena tanur asem lir.

Southgate-i England coach mapa toktsüogo

Chiteni/July 16, 2024

(Agencies): Küm 8 England football team coach mapang inyakba sülen Gareth Southgate-i mapa toktsüogo.

Euro asayamung asayaba mapang pai mapa toktsütsü akok ta olulu osang aika adoka liasü aser tang Southgate-i mapa toktsüogo. FA-i bo pa nem USA, Canada aser Mexico nung 2026 küm World Cup asayaba mapang tashi coach mapa bendaktünia liasü, saka pai tang iba telemteba agiogo.

“England nunger ka ama England tenüng nung asayatsü aser England team coach inyaktsü maongka anguba ya tetushi tulu liasü. Ni takokba tashi meranga inyakogo.

“Ajisüaka temelenshi asoshi aser tapak tasen ka lapoktsü atema mapang tongogo. Deobarnü Berlin nung Spain den final asayaba tu ni atema England manager ka ama tatembangbuba asaya liasü.

“Ni English football jenjang



tajungba kümdaktsütsü nükjidong nung 2011 küm FA nung aden. Iba mapang nisung aikati ni kanga nongita yariogo aser iba atema kanga pelar.

“Ni asayar aika asaya 102 tashi nung anir asayatsü atema maongka tajung ngutetogo. Parnok ajaki linük indang tola kanga nema danga semogo. Alima nung asenok pusemertem tajungba lir aser parnoki ni nongita yariba atema kanga pelar. Ni England fan ka aser teti alitsü,” ta pai ashi.

Euro 2024 final nung

England-i Spain maokok. 1966 küm World cup akokba sülen England-i asayamung tongtibang ka danga koka mali aser taküma parnoki iba takok mongutet.

Southgate lenisüba nung England team Euro asayamung ana atonga final tonga asayaogo aser 2018 küm World Cup nunga pa lenisüba nung team semifinal tonga liasü.

Iba masü dang 1966 küm sülen England team-i 1990 küm World Cup semifinal tonga asayaba ya tajungtiba liasü.

Xherdan Shaqiri international asaya nungi anenogo



Chiteni/July 16, 2024

(Agencies): Switzerland nunger midfielder Xherdan Shaqiri, shiba tang United States nung Chicago Fire nungi asayar, pai pa International football asaya nungi anenba sangdongogo.

Arishi küm 32 tain asayar ya linük tenüng nungi 125 ben asayaogo aser pa teammate Granit Xhaka (130) sülen linük team nungi timbaben asayaba asayartem rongnung

tanabuba lir.

Shaqiri mezüng linük team nungi 2010 küm March ita arishi küm 18 asüba mapang asaya. National team nungi asayaba mapang pa World Cup pezü aser European Championships asem nung asayaogo aser iba mapang pai pa sempet aser linük atema bendanga agüja asayaba sayuogo.

Pa tatemsa July 6 nü Duesseldorf nung Euro 2024 quarter-final nung linük team

nungi asayaogo.

Iba asaya ya goal 1-1 agütsür tembang aser penalty metsütepba mapang Shaqiri-ia goal idakja liasü. Ajisüaka England-i iba asaya goal 5-3 agi koka liasü.

Iba asayamung nung tamakok nguaka Shaqiri-i Swiss national team nem teyari agütsüba teti bilemtetsü.

“Asayamung tenet, goal aika, küm 14 tashi Swiss national team nungi asayaba aser mamatoktsüsa tajangshibatem aika ajangshiogo. National team toktsütsü mapang tongogo. nenok ajak dang kanga pelar,” ta Shaqiri-i ashi.

Pai linük team nungi asayaba mapang goal 31 idaktsü aser pa Switzerland football asaya puti otsü nung goal timtiba idaktsüba asayar tem rongnung pezübuba lir.

Paris Olympics: Satwik aser Chirag na Group C nung ata lir

Chiteni/July 16, 2024

(Agencies): India nunger tebur tarep asayar aser World Championships bronze medallists Satwiksairaj Rankireddy aser Chirag Shetty na taruba Paris 2024 Olympics nung badminton asaya tebur tarep asaya nung Group C nung ata lir.

Satwik aser Chirag na ya tang badminton world rankings nung tasembuba jenjang nung lir aser tena parnok telok nung top 10 nung aliba tarepbo Indonesia nunger tarep Fajar Alfian aser Muhammad Rian Ardianto na den dang asayatsü.

Parnok telok nung Germany nunger world No. 31 tarep

Mark Lamsfuss aser Marvin Seidel na aser world No. 43 France nunger tarep Lucas Corvee aser Ronan Labar nungera densema lir.

Iba asayamung gold medal angutsü imlarthem rongnung Satwik aser Chirag nata densema lir.

Tang tashi nung India nunger tarep yagi Alfian aser Ardianto na den ponguben asayaba asembebo koka lir aser Germany nunger aser France nunger tarep ya asayabashia koka lir.

Kasa mapang nung India nunger badminton asayartem rongnung Olympics nung medal ana tashi ngur alila PV Sindhu

aser teburthem rongnungi kija asaya nung temaba jenjang nung alisang HS Prannoy nata asayar kanga tajungtem denbo ata mali.

Sindhu Olympics nung Group M nung ata lir aser Prannoy Group K nung ata lir. World No. 13 Sindhu aser Prannoy na tena tata telok nung rankings tajungba lir.

Ajisüaka Lakshya Sen bo tejkadangi atutsü atema tebur kija asaya Group L world No. 3 Jonatan Christie ajangtsü nungdaker.

Ajisüaka Prannoy aser Sen nati pei tata telok nung takok nguteta tejkadangi tura tena round of 16 nung asayatsü.

France PM Attal ya Olympics atema caretaker ama alitsü

Paris, Chiteni/July 16

(Agencies): Tawa agiba parliamentary election nung tamakok ajuruba sülen France Tir Emmanuel Macron-i pa indang Ato Kilonser Gabriel Attal mapa nungi anenba Mongulbar nikongdang tashinung agizüktsü imlar, ta osang kar ajanga ashi.

Ajisüaka Attal ya Paris Olympics atema caretaker government tekolakba ama alitsü, koba anogo 10 tsüngta tenzüktsü lir.

July 7 election nung takok anguba left-wing alliance temi tang tashi pa melentsü candidate ka meshimteti lir.

Attal ya Élysée Palace nung par sorkar indang cabinet meeting tatembangba nung dener aodang osangbener dang kecha mashi, saka Tir Macron-i caretaker government ka hopta ishika alitsü ta ashi ama angateter.

Asen linük nung tongtipang sentong ka akatsü alinung nai dang nungdakra ni mapa inyaka atatsü ta Attal-i Tir Macron dang ashi.

Tir Macron-i ajungbena parliamentary election ayongzükba nung Attal'er Ensemble alliance ya tanabuba jenjang tongtetba sülen pai ato kilonser mapa yutsüba France

tir nem metetdaktüsü.

June ita European elections agiba nung National Rally (RN) ajanga takok angu, saka July 7 parliamentary election nung tasembuba jenjang nguteta liasü.

Party katia tejangja majority mongutet nung Macron-i Attal dang mapang tatsüka ataa alitsü ashi aser mainstream party tem dang coalition sorkar ka kumtettsü ayongzüka liasü, saka RN aser radical France Wnbowed maden, koba left-wing New Popular Front nung party tulutiba lir.

Election nung takok anguba sülen left-wing alliance tem ya par telungzük nung atsüteper. Party tulutiba ana, France Unbowed (LFI) aser Socialist nati pei party sasep nung ato kilonser atema candidate shimba katia magizüker.

NFP indang tongtipang party asem - Socialists, Greens aser Communists - yagi taoba diplomat Laurence Tubiana ya ato kilonser atema nominee asütsü mulungtepogo, ta Hombarnü ashi.

Arishi küm 73 tain Tubiana ya European Climate Foundation tekolak lir aser taoba mapang Socialist President Francois Hollande indang adviser ka liasü.

Hardik Pandya Sri Lanka den ODI masayatsü



Chiteni/July 16, 2024

(Agencies): Hardik Pandya lenisüba nung July 27 nü nungi tenzüka India team Sri Lanka den T20 asayatsü, saka pa August ita asayatsü aliba ODI asayamung nungbo shilem magitsü.

Osang ka ajanga ashiba agi, Pandya-i iba telemteba agiba captain Rohit Sharma nem metetdaktüsüogo, shiba iba asayamung nung masayatsü.

Ketdangsur kati Pandya-i iba telemteba agiba jangjashija ashiba agi, “pa jurila maparen kar aliba ajanga ODI nung shilem magir. Media nung osang nung prokshiba ama masü Hardik anema dang lir.”

ODI nung Pandya masayaba mapang India team ya KL Rahul mesüra Shubman Gill na

rongnung kati anir asayatsü. Rahul lenisüba nung India team-i South Africa den ODI asayamung kokogo aser Gill lenisüba nung India team-i tawa Zimbabwe 4-1 agi kokogo.

BCCI source tejen kati PTI dang ashiba agi, “Rohit Sharma kübok Hardik Pandya India T20 team vice-captain liasü. Pa anema dang lir aser T20 asaya asem pa lenisüba nung asayatsü.

Rohit Sharma den Virat Kohli aser Ravindra Jadeja nunger T20 World Cup tembangba sülen International asaya nungi anenogo.

Sri Lanka den T20I asayamung ya July 27 nungi 30 tashi Pallekele nung asayatsü. Iba sülen ODI August 2 nungi 7 tashi Colombo nung asayatsü.

Iba asayamung atema team taruba anogo ka ana tsüngda sangdongtsü imlar.

Iba asayamung nung India team tang mezüngbuba Gautam Gambhir lenisüba nung asayatsü aser team lenir aser asayartem shimba mapang pai tongtibang shilem agitsü imlar.

BILEMDANGANG

“Taküm arishi tatsüka dang; pela alitsü asoshi jenjang agiang.”